

上杭縣志卷三十五

方外傳

丘 復纂

仙佛之說幽渺難稽事蹟流傳亦多傳會舊志所載如王破頭之徧覽蘇杭他書類似之紀述數見不鮮輾轉傳聞豈足據信然黃七翁之石影張至道之肉身至今尚存而自慧證果圓光與至道同時既葬靈源歷二百數十年啓視不壞龍巖人皆見之載民國新志又不得謂盡屬虛偽也至於身當鼎革有託而逃不忍為異族之民甘飯依於化外如九一之來自江南而伊蒿則生長世族志節凜凜足與寒支相輝映尤為畸人獨行之流不徒以方外目之矣蔣志特立仙釋一門謂或產於本土或來自他邦陳編口實大率非誣趙願因之茲特廣為搜采不必矜言神怪表著靈奇凡有道行著於本邑或以

上杭縣志 卷卅五

方外傳

上杭縣文書局印

邑人見稱他縣者皆載於篇而一二詩僧亦附著焉

黃七翁

壻子及壻某

天山上人

王破頭

香林上人

啖石老僧

性益道因上人

至道禪師

九一和尚

法幻 編

半石堂頭

壻上人

釋超拂

釋自慧

釋德瑞

釋智覆

黃七翁本邑人宋時鍾寮場未立縣石峽間兩山如束中通一徑有山精虎狼為害翁偕其子壻有異術以符法治之羣妖屏息因隱身入石顯像於石壁間每風雨石中隱隱聞鐘鼓聲民敬畏之立祠於香爐石巖下遇歲災旱禱之輒應縣既遷改建行祠於今縣治之西南舊志稱黃倖三趙志仙師倖其壻姓也趙志自宋以來疊著靈蹟清咸豐七年太平軍攻城危陷而復全由仙顯蹟邑人陳請封

號未覆後經御史林拱樞奏請光緒五年敕封靈感舊采訪稿

天山上人本邑人梵行修整明永樂間演教金陵諸大刹歷游名山及歸坐一軒有白雲宿檐際上人頓悟說偈云我觀世間相閒雲自來去兀坐與心馳無軒可名處福唐林棠因以閒雲扁其軒未幾化去前同

王破頭不知何許人頭破一罅因以自名明嘉靖中來杭假寓縣北貞字鋪所宿一小樓夏月獨無蚊又偶宿南泉庵舍蚊亦不集有童子鬻茄破頭戲取茄置頭罅頃刻而盡童子頓足哭牽破頭還茄破頭笑曰勿哭茄還汝家矣歸視果然嘗取楊姑梢花和藥煉之立成白金人叩其術笑曰偶一為之不可誤後人也邑人姜白石等從之游因元夕讌坐談蘇杭燈花之盛破頭語衆暫瞑目可隨我往衆果

上杭縣志

卷卅五

方外傳

一一

上杭縣文書局印

得徧覽蘇杭之勝少頃即還居一歲辭去衆約同時分餞以試之破頭同時各赴宴若分身者然比曉遂不見前同

香林上人明萬曆四十年開建叢林於上圓山雲峯寺將志寺觀原作覆羅山衆

勝庵名異實同上人本楚道州劉氏子年二十出家滇之雞足山繼住江南

金山寺六年執行堅苦諸方耆宿皆心畏之旋游閩至杭始為紫金山寺長拈据經營若庇其家每墾荒至楊梅前見所謂上圓山者嘗有雲氣繞其上初為林氏棄地因募而闢之以祀佛蛇虎歛跡丘嘉東

山草堂集上圖山募建佛殿引上人戒行精嚴時露靈異山泉源薄不足供山中之

用因枯坐泉側廢寢食七日忽一長蛇盤繞其傍上人曰汝為龍曷憫大衆使水源出乎蛇若唯唯聽命遂不見是夕泉忽湧出汲取之不竭由寺左旋層崖梯級而上別構靜室留一僧供焚掃晨鐘暮鼓

時有虎來叩門僧奔避不敢往上人獨前果遇虎叱曰若亦見靈根不當隨我禮佛耶虎低首去不復至寺旁有桃樹臨崖百尺上人偶曳杖往值桃實甚盛樵夫牧豎冒險摘食上人惻然指樹言曰若安用繁其實恐誤生命不小願且開花毋結實明年果然相傳為香林

三異云明信州鄭青師仲夔耳新

啖石老僧崇禎七年來杭貌清癯一布袋內貯小石皆如棋子大時取啖如常物人疑其偽別取石與食吞嚙如故以手摩其腹咯咯有聲與之葷酒不食獨善飯數月乃去究莫識其蹤蘇志預言別錄願志移入仙釋性益道因上人明崇禎中自廬山歸宗寺雲游至杭駐錫茫蕩洋湖梓鄉丘敏傳兄弟一見皈依供養三年敏傳兄弟留之乃構淨室於天龍山邑紳李魯為之作序上人固有道行者也李職方集燻餘

上杭縣志 卷卅五

方外傳

三

上杭縣文書局印

至道禪師名性戒本吳中人六歲從閩縣僧敬心為徒及削染年二十閉關歷五寒暑博通經典一日書壁云出家不成佛心中思何物遂徧叩諸方參學明崇禎間至縣結茅庵於小吳地之馬頭山清順治三年僧臘五十七預製一龕端坐示寂遺命僧眾六年後依教焚化至期啟視肉色不壞骨節瑯然里人驚異即真身漆之以金蔣志釋

迄今猶存其首微側於右注云采訪新增古田吳地人續刊於願志

趙願志同山僧昔敬心從閩至道於此肉身端坐後人飾以金漆祈禱如響是至道禪師之當即張志道起順治三年實隆武二年九月五日始入清殆鼎革之交山寇蜂起傳聞多異辭耳因記此而有感焉清光緒中城西門外周縣朱乾隆責令埋葬乃息使糝以金漆不且奉為大仙耶又紫鑄銅像以廁諸神龕者也不知今尚存否恐日久誤傳特附記此於

九一和尚為臨濟宗僧

游志

江南人營業儒遇明季而逃禪者清順

治七年至縣圓通山創建寶殿層樓備極壯麗有泗洲亭洗月池犁

雲亭佛子水冷石泉諸勝周圍墾田百餘畝為邑叢林

山志

或曰九

一明進士任某官國變後乃祝髮出家

采訪稿據遺像贊

固明遺民也邑人

劉坊有黃梅山拜九一和尚塔並呈其法嗣幻機大師詩自注云師

建法幢吾杭三十里唯寒山片石相與往還泊予歸杭師已圓寂庚

申夏游黃梅夢師黃衫偏袒揖予就坐勞苦甚悉庚申秋予避暑圓

通幻公邀游黃梅其夕復夢如前豈師未白之衷欲待予一啓耶何

相須殷而相遇疏也屈子云往者不可待兮來者吾弗與聞吾與九

一師實抱茲憾云

劉坊天閣集

遺箸有圓通山三十二景詩今存

半石堂頭亦居圓通山長汀黎士弘有寄圓通山半石堂頭及圓通

上杭縣志

卷卅五

方外傳

四

上杭縣文書局承印

歸重寄半石老人詩中有云二時粥留單滿五尺琅函妙墨新自

注山中常住淡泊日出九一手寫經卷相示半石殆與幻機同為九

一法嗣劉坊所謂寒山片石相與往還者殆即其人歟又有鴛坪上

人原住江西漢仙巖靜室後到山開講黎士弘有寄鴛坪老人詩

見俱

託素齋集圓通自九一後實繁有徒惜當清代忌諱載籍無稽耳

釋超拂號伊蒿和尚俗姓袁名恢先本白砂世家清歲貢袁知人之

季父父兄皆明諸生出家住上圓山上通寺旋雲游江浙十二年徧

歷名山以菩提嶺博融為師卒年近八十生於天啓丁卯祝髮於隆

武丙戌時年二十正紹宗駕陷上杭降清之時因兄清生辦團為莠

民所陷丙戌冬曾入獄代兄旋出獄已出家猶繾綣於父兄子姪邑

紳丘夢鯉序其稿稱其與族姓弟姪及朋輩往反書多依於孝友或

以廉恥相勵此豈釋子語楊岸序其集亦亟稱之自言不通於文而好爲文不通於詩而好爲詩亦天步艱難坎壈感傷使然又爲桃源記有云幼讀詩有尋得桃源好避秦之句其時熙明之世不以爲意茲則天步艱難遭雙丸之不展適大塊之無光其心跡可見性耽吟詠刻苦而成語多奇闢五言如鼓山唱水巖云客來憐澗啞泉在勝鶯鳴過烏龍江云水急鳴千浪峯高出一頭哀世云衣冠千古罪牛馬一身泥七言如宿金山晴雨軒云水相磕額爭長舌峯欲向天鬪出頭參徑山費隱老和尚云五峯寒夢空千壑雙徑談禪別一丘上仙霞嶺云風塵備歷人間世煙樹忽生天上山秋感云空中月瘦星扶病樹上花殘蝶棄貧皆不肯拾人牙慧者學問雖不及寒支和尚志節將母同所箸樂饑藁上下兩卷楊岸丘夢鯉爲之序塵外集一

上杭縣志

卷卅五

方外傳

五

上杭縣文書局承印

册計七律四百九十餘首茗水駱維恭富沙方曰璉爲之序

二稿爲林子厚

所得丙申以前之作維恭爲刻於黃巖伊蒿存稿一册爲晚歲作

袁廷鈔

本林間語一卷

稿在樂餓

今皆存

據各稿纂訂而祝髮者例以李寒支

先生固不應入之方外然其人己出家受僧戒似又與寒支微異其山居詩云爲僧雖不酒奉佛愛吟詩蓋自道也邑人罕知其名亦罕知其表出之

自慧本邑人居龍巖萬安里圓光寺明亡乃往闢禪林朝南海歸卽了悟覺往知來明司寇王命璿迹跡山中與談禪甚契贈詩云圓光古刹傍雲巔極目盪胸吃紫煙恍見如來傳大我覺天日月映無邊迨耄圓寂前十日詔其徒曰此六月十七日吾師忌辰我不先十九日爲大士成道日我不後十八日我西歸矣

福建龍巖州條

其徒將肉身置龕中三年顏色如生飾以金祀之後三十年乃葬靈源塔院民

國初啓視肉身不壞好事者昇歸供養人皆見之民國新修龍巖縣志

釋德瑞字曉曇本邑人俗姓傅開寧化雙峯寺著有隨山草二卷游

佛手巖詩云巍然一片石傳世涅槃窩佛手乾坤小禪家洞壑多雲

流山染翠月湧水生波不盡觀游興孤筇拄薜蘿汀南雁存續集

釋智覆字石雲號借翁本邑人有夜月調琴詩云山夜喜無事攜絃

就草堂空明情不厭斷續韻偏長別鶴愁千里哀猿淚幾行知音人

世少彈罷又焚香前同